



PRAVILNIK
o postupku imenovanja i razrješenja predsjednika i članova biračkih odbora
u Bosni i Hercegovini

Sarajevo, januar 2026. godine

Na osnovu čl. 2.9 stav (1) tačka 2., 1.5 stav (3) i 2.19 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 3. sjednici, održanoj 13. 1. 2026. godine, donijela

P R A V I L N I K
o postupku imenovanja i razrješenja predsjednika i članova biračkih odbora
u Bosni i Hercegovni

Član 1.
(Predmet)

Pravilnikom o postupku imenovanja i razrješenja predsjednika i članova biračkih odbora u Bosni i Hercegovini (u daljnjem tekstu: Pravilnik) definiraju se birački odbori, opći i posebni uvjeti, selekcija, imenovanje, evidencija, edukacija, certifikacija i ocjenjivanje predsjednika/zamjenika predsjednika biračkih odbora, kao i kvalifikacije, obuka, provjera znanja i certificiranje, postupak dodjele mjesta i imenovanje članova biračkih odbora, odnosno mobilnih timova, članova biračkih odbora u diplomatsko-konzularnim predstavništvima Bosne i Hercegovine (u daljnjem tekstu: DKP BiH), te kvalificiranih osoba s rezervne liste.

Član 2.
(Pojmovi)

Pojedini izrazi korišteni u ovom pravilniku imaju sljedeća značenja:

- 1) „**Centar za edukaciju**“ je osnovan od strane Centralne izborne komisije BiH u cilju edukacije organa za provođenje izbora i svih učesnika iz oblasti izbora i finansiranja političkih stranaka, kako na nivou BiH tako i na regionalnom i međunarodnom nivou. Sjedište Centra za edukaciju je u zgradi Centralne izborne komisije BiH, Danijela Ozme br.7, Sarajevo.
- 2) „**Dodatna obuka**“ je obuka koju organizira Centralna izborna komisija BiH s ciljem ponovnog osposobljavanja predsjednika/zamjenika predsjednika biračkog odbora, koji u prvoj obuci nisu uspješno zadovoljili test.
- 3) „**Evidencija izdatih certifikata**“ predstavlja listu serijskih brojeva izdatih certifikata predsjednicima/zamjenicima predsjednika biračkih odbora.
- 4) „**Fiktivno predstavljanje u članstvu biračkog odbora**“ u smislu člana 7.3 stav (2) Izbornog zakona BiH podrazumijeva lažno predstavljanje u ime bilo koje političke stranke, koalicije, liste nezavisnih kandidata ili nezavisnog kandidata kao i zloupotrebu zakonskog prava na učešće u radu biračkog odbora ispred jednog političkog subjekta protivno odredbi člana 2.19 ovog zakona, i to fiktivnim predstavljanjem u ime političkog subjekta kojem je mjesto u biračkom odboru pripalo s ciljem pogodavanja drugom političkom subjektu kojem to mjesto u biračkom odboru nije pripalo.
- 5) „**Instruktor**“ je osoba obučena od strane Centralne izborne komisije BiH koja ima obavezu da obučava predsjednike/zamjenike predsjednika biračkog odbora.

- 6) **„Izborna komisija osnovne izborne jedinice“** je izborna komisija imenovana od strane OV/GV/SO/SG uz saglasnost Centralne izborne komisije BiH, a koja provodi sve propisane obaveze iz čl 2.13 Izbornog zakona BiH i podzakonskih akata koje je donijela Centralna izborna komisija BiH na teritoriji općina /gradova i Brčko distrikta BiH.
- 7) **„Izjava o ispunjenosti uvjeta“** podrazumijeva izjavu, ovjerenu kod nadležnog općinskog organa ili izborne komisije u postupku po Javnom konkursu, koju kandidat za predsjednika/zamjenika predsjednika biračkog odbora pod materijalnom i krivičnom odgovornošću potpisuje i čiji je sadržaj sastavni dio ovog pravilnika.
- 8) **„Izjava o nacionalnoj pripadnosti“** podrazumijeva izjašnjenje kandidata za predsjednika/zamjenika predsjednika biračkog odbora koje je naveo u rubrici prijavnog obrasca.
- 9) **„Javni konkurs“** podrazumijeva konkurs za imenovanje predsjednika/zamjenika predsjednika biračkog odbora.
- 10) **„Lista kandidata“** podrazumijeva listu svih prijavljenih kandidata za predsjednika/zamjenika predsjednika biračkog odbora.
- 11) **„Lista kandidata za imenovanje na mjesto predsjednika ili zamjenika predsjednika biračkog odbora“** je lista koju sačinjava Centralna izborna komisija BiH nakon konsultacije s izbornom komisijom osnovne izborne jedinice u periodu između dva izborna ciklusa putem jednog ili više javnih poziva, a ista sadrži tačno određena biračka mjesta na koja se kandidati imenuju vodeći računa o mjestu prebivališta, a po mogućnosti i na biračkim mjestima na kojima su upisani kao birači.
- 12) **„Lista uspješnih kandidata“** podrazumijeva rang-listu kandidata koji su uspješno završili testiranje.
- 13) **„Odluka o imenovanju“** je odluka koju donosi Centralna izborna komisija BiH nakon provedene konkursne procedure i prema kriterijima utvrđenim zakonom i dodatnim kriterijima utvrđenim ovim pravilnikom.
- 14) **„Plan i program obuke“** je pisani dokument koji donosi Centralna izborna komisija BiH kojim se utvrđuju svi neophodni elementi koji uključuju metodiku izvođenja obuke i sva druga organizaciona pitanja neophodna za realizaciju obuke, čiji sastavni dio je i lista mogućih pitanja i odgovora za testiranje.
- 15) **„Povjera znanja“** podrazumijeva testiranje, a sadržaj testa, način testiranja i vrijeme trajanja testa određuje Centralna izborna komisija BiH.
- 16) **„Rang-lista kandidata“** je lista kandidata koji su uspješno prošli testiranje.
- 17) **„Rezervna lista“** je lista koju formira je izborna komisija osnovne izborne jedinice na osnovu javnog poziva ili iz drugih izvora kako bi se osigurala popuna rezervne liste u slučaju da član biračkog odbora, odnosno njegov zamjenik odustane od rada u biračkom odboru, a na dostavljenoj listi nema preostalih kandidata političkog subjekta, lista se popunjava kandidatom sa rezervne liste.
- 18) **„Testiranje“** obuhvata online testiranje, a u slučaju da isto nije moguće iz tehničkih razloga, testiranje se obavlja pisanim popunjavanjem testa.

- 19) „**Tim instruktora**“ u smislu ovog pravilnika predstavlja tim edukatora koje je imenovala Centralna izborna komisija BiH po posebnoj proceduri i posebnom odlukom.
- 20) „**Ukupna ocjena kandidata**“ predstavlja zbir osvojenih bodova prilikom provjere znanja, te dodatnih bodova u skladu s članom 15. stav (1) i (2) ovog pravilnika.
- 21) „**Politički subjekt**“ podrazumijeva političku stranku, nezavisnog kandidata, koaliciju ili listu nezavisnih kandidata, ovjerenu za učešće na izborima.

POGLAVLJE I. OPĆI PRINCIPI

Član 3.

(Birački odbor - član 2.1 stav (1) Izbornog zakona BiH)

- (1) Birački odbor je organ za provođenje izbora i sastoji se od tri ili pet članova, od kojih je jedan predsjednik.
- (2) Predsjednik i članovi biračkog odbora imaju zamjenike.
- (3) U sastavu biračkog odbora nastojat će se osigurati zastupljenost spolova u skladu sa Zakonom o ravnopravnosti spolova u Bosni i Hercegovini („Službeni glasnik BiH“, br. 16/03, 102/09 i 32/10), osim ako se birački odbor sastoji od tri člana, pri čemu se ravnopravna zastupljenost smatra postignutom u slučaju kada je jedan od spolova zastupljen sa 1/3 ukupnog broja članova.

Član 4.

(Obaveza nezavisnog i nepristrasnog rada - član 2.1 stav (2) Izbornog zakona BiH)

- (1) Birački odbori su nezavisni i nepristrasni u svom radu. Član biračkog odbora neće učestvovati u donošenju odluke kada taj član ili član njegove uže porodice ima lični ili finansijski interes, ili ako postoji drugi sukob interesa, koji može dovesti u sumnju njegovu sposobnost da djeluje nepristrasno. Članovima uže porodice smatraju se članovi porodice u smislu člana 15.7 stav (2) Izbornog zakona Bosne i Hercegovine.
- (2) Prije stupanja na dužnost, svaki pojedinačni član biračkog odbora dužan je potpisati zakletvu čiji tekst glasi: *“Ovim se zaklinjem da ću vjerno, savjesno i nepristrasno obavljati dodijeljene mi dužnosti i provoditi i poštovati Ustav i zakone Bosne i Hercegovine.”*

Član 5.

(Naknada za rad u biračkom odboru - član 2.19 stav (19) Izbornog zakona BiH)

- (1) Članovi biračkih odbora imaju pravo na naknadu za svoj rad.
- (2) Visinu naknade za rad koji obavljaju članovi biračkih odbora utvrđuje Centralna izborna komisija BiH posebnom odlukom.

Član 6.

(Broj članova biračkog odbora)

- (1) Birački odbor sastoji se od predsjednika i njegovog zamjenika, i dva člana i njihovih zamjenika, ako je u izvodu iz Centralnog biračkog spiska za određeno biračko mjesto upisano do 300 birača.

(2) Birački odbor sastoji se od predsjednika i njegovog zamjenika, i četiri člana i njihovih zamjenika, ako je u izvodu iz Centralnog biračkog spiska za određeno biračko mjesto upisano više od 300 birača.

Član 7.

(Zamjenik predsjednika i zamjenik člana biračkog odbora - član 2.19 stav (2) Izbornog zakona BiH)

(1) Predsjednika i članove biračkog odbora u slučaju njihovog odsustva prilikom procesa glasanja i/ili brojanja glasačkih listića zamjenjuju njihovi zamjenici.

(2) Na biračkom mjestu na kojem je glasalo više od 350 birača, zamjenici predsjednika i zamjenici članova biračkog odbora dužni su učestvovati i tokom cijelog procesa brojanja glasačkih listića.

(3) Predsjednik biračkog odbora izuzetno, uz saglasnost izborne komisije osnovne izborne jedinice, može ovlastiti zamjenika predsjednika i zamjenike članova biračkog odbora da prisustvuju tokom cijelog postupka brojanja glasačkih listića na biračkom mjestu na kojem je glasalo manje od 350 birača.

(4) Zamjenik predsjednika, odnosno zamjenik člana biračkog odbora obavezan je prije preuzimanja dužnosti u biračkom odboru u Zapisniku o radu biračkog odbora potpisati Zakletvu iz člana 4. stav (2) ovog pravilnika.

(5) Zamjenik predsjednika biračkog odbora će se smatrati da je bio angažovan za izbore ako je:

a) prošao obuku i nije bio pozvan da radi u toku glasanja i brojanja glasačkih listića ili mijenjao predsjednika biračkog odbora u skladu sa stavom (1) ovog člana u trajanju do 2 sata;

b) zamijenio u radu predsjednika biračkog odbora u skladu sa stavom (1) ovog člana, u trajanju do 6 sati;

c) zamijenio u radu predsjednika biračkog odbora u skladu sa stavom (1) ovog člana, u trajanju preko 6 sati.

(6) Visina naknade za angažman zamjenika predsjednika biračkog odbora iznositi će:

a) 35% naknade zamjenika predsjednika biračkog odbora za slučaj propisan u stavu (5) tačka a) ovog člana,

b) 50% naknade zamjenika predsjednika biračkog odbora za slučaj propisan u stavu (5) tačka b) ovog člana,

c) 100% naknade zamjenika predsjednika biračkog odbora za slučaj propisan u stavu (5) tačka c) ovog člana,

(7) Zamjenik člana biračkog odbora dobija puni iznos naknade propisane za angažovanog zamjenika člana biračkog odbora bez obzira na vrijeme provedeno na biračkom mjestu prilikom mijenjanja člana biračkog odbora.

POGLAVLJE II. KRITERIJI ZA IMENOVANJE I RAZRJEŠENJE PREDSJEDNIKA BIRAČKOG ODBORA I ZAMJENIKA PREDSJEDNIKA BIRAČKOG ODBORA

Odjeljak A. Opći i posebni uvjeti za imenovanje predsjednika i zamjenika predsjednika biračkog odbora

Član 8.

(Opći uvjeti za imenovanje predsjednika/zamjenika predsjednika biračkog odbora)

(1) Selekciju i imenovanje, predsjednika/zamjenika predsjednika biračkog odbora vrši Centralna izborna komisija BiH. Centralna izborna komisija BiH vrši i evidenciju, edukaciju, certifikaciju i ocjenjivanje predsjednika i zamjenika predsjednikâ biračkih odbora.

(2) Da bi bili imenovani, kandidat za predsjednika i kandidat za zamjenika predsjednika biračkog odbora, pored ispunjavanja uvjeta iz člana 2.2 i 2.3 Izbornog zakona Bosne i Hercegovine, ne smiju biti članovi političke stranke niti obavljati dužnost u organima političke stranke, udruženja ili fondacije organizaciono ili finansijski povezanim s političkom strankom, niti smiju biti uključeni u bilo kakve aktivnosti političke stranke i moraju biti u mogućnosti da obavljaju svoje dužnosti na politički nepristrasan način.

(3) Izjavu o ispunjenosti uvjeta iz stava (2) ovog člana, pod punom materijalnom i krivičnom odgovornošću potpisuje i kod nadležnog kod izborne komisije osnovne izborne jedinice, ovjerava i u postupku po Javnom konkursu podnosi kandidat za predsjednika i kandidat za zamjenika predsjednika biračkog odbora. Sadržaj izjave je sastavni dio ovog pravilnika.

Član 9.

(Posebni kriteriji za imenovanje kandidata za predsjednika i kandidata za zamjenika predsjednika biračkog odbora)

Pored kriterija iz člana 8. ovog pravilnika, kandidat za predsjednika, odnosno kandidat za zamjenika predsjednika biračkog odbora mora ispunjavati posebne kriterije, kako slijedi:

- (a) da ima prebivalište u općini za koju se imenuje birački odbor i (po mogućnosti) da je upisan u izvod iz Centralnog biračkog spiska za biračko mjesto za koje se imenuje, a samo izuzetno iz druge osnovne izborne jedinice koja se graniči s tom osnovnom izbornom jedinicom, ukoliko na bilo koji drugi način nije moguće imenovati predsjednike/zamjenike predsjednika biračkih odbora;
- (b) u Gradu Mostaru prebivalište se određuje prema Gradskoj izornoj jedinici;
- (c) da ima najmanje završenu srednju školu, odnosno IV ili V stepen stručne spreme, (po mogućnosti) da je student, apsolvent ili da posjeduje VSS;
- (d) da mu nije izrečena sankcija od Centralne izborne komisije BiH u skladu s članom 2.3. stav 1. tačka 5. Izbornog zakona Bosne i Hercegovine.

Odjeljak B. Lista kandidata

Član 10.

(Lista kandidata)

(1) Centralna izborna komisija BiH će objaviti javni poziv za prijavu kandidata za predsjednike/zamjenike predsjednika biračkih odbora, a do dana raspisivanja narednih izbora, u slučaju potrebe, objaviti još jedan javni poziv u osnovnim izbornim jedinicama u kojima nema dovoljan broj kandidata.

(2) Centralna izborna komisija BiH će, nakon provedene procedure iz stava (1) ovog člana donijeti odluku o formiranju liste kandidata za predsjednike/zamjenike predsjednika biračkih odbora od osoba koje su bile predsjednici/zamjenici predsjednika biračkih odbora, osoba koje su nakon provedene obuke bile rezerve jer su pozicije predsjednika/zamjenika predsjednika biračkih odbora bile popunjene i osoba koje se prijave na javni poziv i zadovolje sve propisane kriterije.

(3) Na odluku o formiranju liste kandidata ili uvrštavanje novih osoba na listu kandidata se može podnijeti prigovor Centralnoj izornoj komisiji BiH.

Odjeljak C. Javni konkurs i konkursna procedura

Član 11.

(Javni konkurs)

(1) Javni konkurs za imenovanje predsjednika/zamjenika predsjednika biračkog odbora pored općih i posebnih kriterija iz čl. 8 i 9. ovog pravilnika, obavezno sadrži:

- a) preambulu;
- b) datum objavljivanja javnog konkursa;
- c) rok za podnošenje prijave na javni konkurs koji ne može biti duži od petnaest dana od datuma objave javnog konkursa;
- d) osnovna prava i dužnosti predsjednika biračkog odbora/zamjenika predsjednika biračkog odbora;
- e) zakonsku normu koja propisuje da predsjednik biračkog odbora i njegov zamjenik ne smiju biti članovi političke stranke niti obavljati dužnost u organima političke stranke, udruženja ili fondacije organizaciono ili finansijski povezanim s političkom strankom, niti smiju biti uključeni u bilo kakve aktivnosti političke stranke i moraju biti u mogućnosti da obavljaju svoje dužnosti na politički nepristrasan način;
- f) kontakt odjela za sve informacije po pitanju javnog konkursa;
- g) obrazac za podnošenje prijave za predsjednika/zamjenika predsjednika biračkog odbora koji je sastavni dio ovog pravilnika;
- h) mjesto i način podnošenja prijave na javni konkurs;
- i) napomena da se nepravovremene prijave neće razmatrati i
- j) obavijest o vremenu objave rezultata po javnom konkursu.

(2) Javni konkurs iz stava (1) ovog člana obavezno se objavljuje na internet stranici Centralne izborne komisije BiH i na društvenim mrežama Centralne izborne komisije BiH.

(3) Pored objave na način iz stava (2) ovog člana, javni konkurs se obavezno objavljuje:

- a) na javnim elektronskim medijima u skladu s članom 16.9 stav 1. Izbornog zakona Bosne i Hercegovine;
- b) na zvaničnoj internet stranici izborne komisije osnovne izborne jedinice, kao i internet stranici općine/grada.

(4) Kandidat za predsjednika/zamjenika predsjednika biračkog odbora uz obrazac za podnošenje prijave iz stava (1) tačka g) ovog člana, dostavlja:

- a) dokaz o stručnoj spremi;
- b) dokaz o radnom statusu ili statusu studenta;
- c) potpisanu i ovjerenu izjavu o ispunjenosti uvjeta iz člana 8. stav (3) ovog pravilnika.

(5) Izjavu iz stava (4) tačka c) ovog člana ovjerava nadležna izborna komisija, istu kopira i kopiju izjave predaje kandidatu za skeniranje i upload u aplikaciju, a original izjavu izborna komisija nakon isteka roka za javni poziv dostavlja Centralnoj izbornoj komisiji Bosne i Hercegovine.

Član 12.

(Način i mjesto podnošenja prijave)

(1) Obrazac za prijavu na javni konkurs iz člana 11. ovog pravilnika, s pratećom dokumentacijom, kandidat za predsjednika biračkog odbora, odnosno zamjenika predsjednika biračkog odbora dostavlja Centralnoj izbornoj komisiji BiH putem aplikacije za prijavu.

(2) Ukoliko aplikacija iz stava (1) ovog člana ne bude dostupna u trenutku podnošenja prijave, ista se podnosi u zatvorenoj koverti putem pošte ili lično u sjedištu Centralne izborne komisije BiH.

(3) Izborna komisija će Centralnoj izbornoj komisiji BiH dostaviti obrazac za prijavu iz člana 11.

ovog pravilnika, s pratećom dokumentacijom, za sve kandidate koji budu prijedlog izborne komisije iz člana 16. stav (7) ovog pravilnika.

Član 13. **(Konkursna procedura i određivanje općih bodova)**

(1) Centralna izborna komisija BiH vrši pregled pristiglih prijava i sačinjava listu prijavljenih kandidata, koja uključuje podatke o pravovremenosti prijave, te ispunjenosti općih i posebnih kriterija propisanih ovim pravilnikom.

(2) Svim kandidatima koji zadovolje sve kriterije iz stava (1) ovog člana se utvrđuju-dodjeljuju bodovi na osnovu sljedećih kriterija:

Tabela 1

RB	Kandidat	Bodovi
1.	zaposlen u obrazovnoj ustanovi kao edukator	4
2.	visoka stručna sprema ili akademsko zvanje mr. dr.	3
3.	student	2
4.	srednja sručna sprema	1

Tabela 2

RB	Kandidat	Bodovi
1.	predsjednik na posljednjim provedenim izborima	2
2.	zamjenik predsjednika na posljednjim provedenim izborima	1

(3) Kandidatima iz stava (2) ovog člana bodovi se utvrđuju na osnovu kriterija propisanih u Tabeli 1, koji se mogu uvećati za broj bodova iz Tabele 2 ukoliko je kandidat ostvario uvjet koji je propisan u Tabeli 2.

Odjeljak D. - Obuka, provjera znanja i ocjenjivanje prijavljenih kandidata

Član 14. **(Obuka kandidata)**

(1) Kandidati za predsjednike/zamjenike predsjednika biračkih odbora su obavezni da prođu obaveznu obuku koja se vrši u dva dijela:

- a) on-line putem platforme za obuku, gdje se kandidati upoznaju s procedurama rada biračkog odbora;
- b) obuku koju će izvršiti instruktori Centralne izborne komisije BiH, nakon provedene on-line obuke, najkasnije 45 dana prije dana održavanja izbora, gdje predsjednici/zamjenici predsjednika biračkog odbora simuliraju rad biračkog odbora, s posebnim osvrtom na odnos birača i posmatrača s članovima biračkog odbora u situacijama koje nisu u skladu s propisanim procedurama.

(2) Platforma za on-line obuku kandidata za predsjednike/zamjenike predsjednika biračkih odbora sastoji se od više modula. Svaki modul predstavlja jednu radnju u izbornom procesu. Modul je sastavljen od:

- a) videoklipa kojim je pojašnjena radnja izbornog procesa;
- b) tekstualnog dijela pojašnjenja radnje iz priručnika o radu biračkog odbora;
- c) pravne norme koja propisuje radnju modula: Izborni zakon BiH ili podzakonski akt;
- d) pitanja s ponuđena tri prijedloga odgovora od kojih je jedan tačan. Odgovori trebaju biti bodovani na način da tačan odgovor daje kandidatu 3 boda, a netačan odgovor daje kandidatu 0 bodova.

(3) Nakon završenog modula kandidatu se određuje pozicija na rang-listi na osnovu ostvarenih rezultata, čime kandidata stavlja u grupu: predsjednika biračkih odbora redovnog biračkog mjesta, predsjednika biračkih mjesta za glasanje u odsustvu, nepotvrđenim glasačkim listićem, mobilnih timova, zamjenika predsjednika biračkih odbora i rezervnog sastava.

(4) Kandidat koji završi obuku svih modula smatra se da je prošao obuku i bit će rangiran na osnovu bodova iz člana 13. stav (2) ovog pravilnika, i bodova iz stava (2) tačka d) ovog člana.

(5) Kandidatu koji nema mogućnost pristupa platformi od kuće, izborna komisija osnovne izborne jedinice će omogućiti pohađanje obuke u sjedištu izborne komisije.

(6) Ukoliko nisu ispunjeni uvjeti za on-line obuku iz stava (1) ovog člana, obuku o procedurama rada biračkog odbora će izvršiti instruktori, na osnovu nastavnog plana i programa koji donese Centralna izborna komisija BiH.

Član 15. (Instruktori)

(1) Centralna izborna komisija BiH u svakoj osnovnoj izornoj jedinici imenuje na osnovu javnog poziva instruktore iz člana 14. stav (6) ovog pravilnika. Broj instruktora u osnovnoj izornoj jedinici zavisi od broja biračkih mjesta, tako da se na svakih 20 biračkih mjesta imenuje instruktor.

(2) Instruktori iz stava (1) ovog člana se imenuju na period od pet godina, s mogućnošću reizbora.

(3) Centralna izborna komisija BiH će odlukom o raspisivanju javnog poziva za imenovanje instruktora iz stava (1) ovog člana propisati kvalifikacije koje instruktori trebaju posjedovati i način provođenja javnog poziva i selekciju prijavljenih kandidata.

(4) Imenovane instruktore će Centralna izborna komisija BiH obučiti i osposobiti da izvrše obuku kandidata za predsjednike biračkih odbora i njihove zamjenike.

Član 16. (Provjera znanja)

(1) Nakon završene obuke iz člana 14. stav (6) ovog pravilnika kandidati za predsjednika/zamjenika biračkog odbora pristupaju provjeri znanja, odnosno testiranju.

(2) Kandidati koji tačno odgovore na sva postavljena pitanja iz testa dobivaju 5 bodova, kandidati koji imaju jedan netačan odgovor dobijaju 4 boda, kandidati koji imaju dva netačna odgovora dobijaju 3 boda, dok kandidati koji imaju tri ili više netačnih odgovora nisu zadovoljili na testiranju.

(3) Za kandidate koji nisu zadovoljili na testiranju, u roku od tri dana, organizira se ponovno testiranje.

(4) Sadržaj testa, način testiranja i vrijeme trajanja testa određuje Centralna izborna komisija BiH, o čemu neposredno pred testiranje obavještava instruktora za obuku iz člana 15. stav (1) ovog pravilnika.

(5) Nakon završenog testiranja, ukoliko ne bude dovoljno kandidata koji su zadovoljili test, izvršit će se dodatna obuka i ponovno testiranje.

(6) Kod ponovnog testiranja kandidata iz stava (4) ovog člana primjenjuju se odredbe stava (2)

ovog člana.

(7) U slučaju da nakon procedura propisanih ovim pravilnikom neko od mjesta predsjednika/zamjenika predsjednika biračkog odbora ostane upražnjeno, Centralna izborna komisija BiH će ista popuniti u saradnji s izbornom komisijom osnovne izborne jedinice iz reda kandidata s rezervne liste izborne komisije osnovne izborne jedinice, kao i iz reda kandidata koji su službenici administracije, javnih ustanova i javnih preduzeća.

Odjeljak E. - Selekcija, evidencija, ocjenjivanje, certifikacija i imenovanje

Član 17. (Rangiranje kandidata)

(1) Platforma za on-line obuku iz člana 14. stav (2) ovog pravilnika, prilikom rangiranja kandidata s istim brojem bodova, kandidate će rangirati na način da će prednost imati:

- a) kandidat koji je na posljednjim provedenim redovnim izborima bio imenovan za predsjednika ili zamjenika predsjednika biračkog odbora;
- b) kandidat s višom stručnom spremom u odnosu na kandidate s nižom stručnom spremom;
- c) kandidat koji je na zadnjoj godini studija u odnosu na kandidate koji su na nižoj godini studija, odnosno koji nisu započeli visoko obrazovanje;
- d) kandidati koji su zaposleni u obrazovnim ustanovama kao edukatori;
- e) kandidati koji posjeduju certifikat izdat od Centralne izborne komisije BiH dobiven u postupku imenovanja predsjednika biračkih odbora i njihovih zamjenika.

(2) Centralna izborna komisija BiH vrši rangiranje kandidata iz člana 15. stav (1) ovog pravilnika na osnovu broja bodova iz člana 13. stav (2) ovog pravilnika, i broja bodova iz člana 14. stav (2) ovog pravilnika.

(3) U slučaju istog broj bodova kandidata na rang-listi iz stava (2) ovog člana prednost će imati:

- a) kandidat koji je na posljednjim provedenim redovnim izborima bio imenovan za predsjednika ili zamjenika predsjednika biračkog odbora;
- b) kandidat s višom stručnom spremom u odnosu na kandidate s nižom stručnom spremom;
- c) kandidat koji je na zadnjoj godini studija u odnosu na kandidate koji su na nižoj godini studija, odnosno koji nisu započeli visoko obrazovanje;
- d) kandidati koji su zaposleni u obrazovnim ustanovama kao edukatori;
- f) kandidati koji imaju certifikat izdat od Centralne izborne komisije BiH dobiven u postupku imenovanja predsjednika biračkih odbora i njihovih zamjenika.

Član 18. (Raspoređivanje na biračko mjesto)

(1) Nakon završene procedure rangiranja kandidata iz člana 17. ovog pravilnika, na osnovu uspostavljene rang-liste, izborna komisija će svim kandidatima redom dodjeljivati biračko mjesto dok ne popuni sva biračka mjesta s dva kandidata.

(2) Izborna komisija osnovne izborne jedinice će dodjeljivati biračka mjesta na način da će prvih n kandidata biti raspoređeno na sva biračka mjesta na poziciju predsjednika biračkog odbora, n predstavlja broj svih biračkih mjesta, dok će narednih n kandidata ponovo biti raspoređeno na sva biračka mjesta na poziciju zamjenika predsjednika biračkog odbora.

(3) Izborna komisija osnovne izborne jedinice prilikom raspoređivanja kandidata za predsjednike

biračkih odbora i njihove zamjenike može obavijestiti Centralnu izbornu komisiju BiH o:

- a) činjenici da je kandidat za predsjednika biračkog odbora na posljednjim provedenim izborima pravio greške u izbornom procesu;
- b) činjenici da je kandidat imao, evidentiran u Zapisnik o radu biračkog odbora ZARBO, veliki broj prigovora;
- c) činjenici da se na određenim biračkim mjestima treba promijeniti funkcija zamjenika predsjednika biračkog odbora u funkciju predsjednik biračkog odbora kako bi se kandidat imenovao na biračko mjesto na kome je upisan na izvod iz Centralnog biračkog mjesta ili je to biračko mjesto u blizini mjesta stanovanja kandidata.

Član 19.

(Odluka o imenovanju, razrješenje i pravo na pravni lijek)

(1) Na odluku o imenovanju predsjednika/zamjenika predsjednika biračkog odbora može se uložiti prigovor Centralnoj izbornoj komisiji BiH u roku od 72 sata od objave na internet stranici Centralne izborne komisije BiH.

(2) Odluka Centralne izborne komisije BiH kojom je odlučeno o prigovoru je pravosnažna i protiv nje se ne može uložiti žalba.

(3) Centralna izborna komisija BiH će razriješiti predsjednika/zamjenika predsjednika biračkog odbora ukoliko naknadnim provjerama utvrdi postojanje netačnosti i neistinitosti uvjeta za imenovanje predsjednika/zamjenika predsjednika biračkog odbora predviđenim Izbornim zakonom BiH i odredbama ovog pravilnika.

(4) Nakon imenovanja na dužnost predsjednika/zamjenika predsjednika, za svake sljedeće izbore na koje podnosi prijavu, imenovani predsjednik/zamjenik predsjednika je obavezan dostaviti novu Izjavu iz člana 8. stav (3) ovog pravilnika.

Član 20.

(Certifikacija)

(1) Centralna izborna komisija BiH će imenovanim predsjednicima/zamjenicima predsjednika biračkih odbora, koji su se u tom ciklusu prvi put prijavili na javni poziv, dodijeliti certifikate.

(2) Izgled i sadržaj certifikata iz stava (1) ovog člana utvrđuje Centralna izborna komisija BiH i sastavni je dio ovog pravilnika.

(3) Centralna izborna komisija BiH vodi evidenciju izdatih certifikata, a koja sadrži ime i prezime, te jedinstveni matični broj osobe kojoj je uručen certifikat i serijski broj certifikata.

(4) Imenovani predsjednici/zamjenici predsjednika biračkog odbora dužni su učestvovati u kontinuiranoj obuci ostalih članova biračkih odbora, koju organizira izborna komisija osnovne izborne jedinice.

Član 21.

(Odustanak)

(1) Imenovani predsjednik/zamjenik predsjednika biračkog odbora može odustati od rada u biračkom odboru nakon što je imenovan na način da potpiše izjavu koju predaje nadležnoj izbornoj komisiji. Predsjednik biračkog odbora izjavu potpisuje i kada odustaje od rada u biračkom odboru, nakon što je preuzeo izborni materijal od izborne komisije.

(2) Ukoliko predsjednik/zamjenik predsjednika biračkog odbora napusti dužnost, a ne potpiše izjavu iz stava (1) ovog člana smatrat će se da je neopravdano napustio dužnost.

(3) Izborna komisija skeniranu izjavu odmah, putem e-maila, dostavlja Centralnoj izbornoj komisiji Bosne i Hercegovine.

(4) Izborna komisija će na obrascu „Imenovanje zamjenika predsjednika biračkog odbora“ (IZPBO), uz izjavu iz stava (1) ovog člana, dostaviti podatke o zamjeniku predsjednika biračkog odbora koji treba biti imenovan umjesto predsjednika biračkog odbora, ukoliko na tom biračkom mjestu nije bio imenovan zamjenik predsjednika biračkog odbora.

(5) Centralna izborna komisija Bosne i Hercegovine će na poziciju predsjednika biračkog odbora, na biračkom mjestu na kojem je predsjednik odustao od imenovanja, imenovati njegovog zamjenika.

Član 22. (Evidencija)

Centralna izborna komisija BiH vodi evidenciju imenovanih predsjednika/zamjenika predsjednika biračkog odbora.

Odjeljak D. - Imenovanje predsjednika biračkih odbora i njihovih zamjenika kod provedbe prijevremenih i ponovljenih izbora

Član 23. (Prijava kandidata – prijevremeni izbori)

Centralna izborna komisija BiH će provesti proceduru imenovanja predsjednika/zamjenika predsjednika biračkih odbora u skladu s članom 10. stav (1) i članom 16. ovog pravilnika.

Član 24. (Obuka i certifikacija – prijevremeni izbori)

(1) Obuku predsjednika biračkih odbora i njihovih zamjenika će izvršiti instruktori koji su izvršili obuku na posljednjim održanim redovnim izborima.

(2) Centralna izborna komisija BiH će imenovanim predsjednicima/zamjenicima predsjednika biračkih odbora, koji su imenovani u skladu s članom 22. ovog pravilnika, uručiti certifikat u skladu s članom 20. ovog pravilnika.

Član 25. (Ponovljeni izbori)

(1) Ukoliko Centralna izborna komisija BiH poništi izbore na određenim biračkim mjestima na ponovljenim izborima za predsjednike/zamjenike predsjednika biračkih odbora će imenovati predsjednike/zamjenike predsjednika biračkih odbora s drugih biračkih mjesta iz iste osnovne izborne jedinice.

(2) Ukoliko Centralna izborna komisija BiH poništi izbore na svim redovnim biračkim mjestima u osnovnoj izbornoj jedinici, na ponovljenim izborima za predsjednike/zamjenike predsjednika biračkih odbora će imenovati predsjednike/zamjenike predsjednika biračkih odbora koji nisu učestvovali u radu biračkog odbora na poništenim izborima.

(3) Ukoliko Centralna izborna komisija BiH ne imenuje dovoljan broj predsjednika/zamjenika predsjednika biračkih odbora na način iz stava (1) i (2) ovog člana, nedostajući broj predsjednika/zamjenika predsjednika biračkih odbora imenovat će s rezervne liste izborne komisije.

Odjeljak E. - Vođenje evidencija o zamjeni predsjednika biračkog odbora na izborni dan i rokovi za ažuriranje aplikacije „Elektronska obrada biračkih odbora“

Član 26. (Vođenje evidencija)

(1) Izborna komisija je obavezna da na izborni dan vodi evidenciju o napuštanju biračkog mjesta predsjednika biračkog odbora i angažovanja njegovog zamjenika.

(2) Izborna komisija će evidenciju iz stava (1) ovog člana voditi u aplikaciji „Vođenje evidencije zamjene na izborni dan“.

(3) Ukoliko aplikacija iz stava (2) ovog člana ne bude u funkciji, izborna komisija će evidenciju iz stava (1) ovog člana voditi na obrascu „Evidencija zamjene na biračkom mjestu“ (EZBM).

(4) Za potrebe vođenja evidencije iz stava (1) ovog člana izborna komisija će:

- a) obezbijediti osobe koje će primati putem telefona obavještenja od predsjednika biračkih odbora i prozivati zamjenike predsjednika biračkih odbora;
- b) obezbijediti osobu koja će na izborni dan ažurirati podatke u aplikaciji iz stava (2) ovog člana, ili obrazac iz stava (3) ovog člana.

(5) Osobe iz stava (4) tačka a) ovog člana će od predsjednika preuzimati informaciju, pored imena i prezimena i broja biračkog mjesta, razlog napuštanja biračkog mjesta, vrijeme odlaska s biračkog mjesta i po povratku vrijeme dolaska na biračko mjesto.

(6) Osoba iz stava (4) tačka b) će odmah nakon zatvaranja biračkih mjesta, a najkasnije 12 sati nakon zatvaranja biračkih mjesta, podatke s obrazaca iz stava (3) ovog člana ažurirati u aplikaciji „Elektronska obrada biračkih odbora“, ukoliko je evidenciju vodila na tim obrascima, a ukoliko je evidenciju vodila na aplikaciji iz stava (2) ovog člana, nema daljnjih aktivnosti jer će ta aplikacija sve podatke sama ažurirati u aplikaciji „Elektronska obrada biračkih odbora“.

(7) Obuku osoba iz stava (4) tačka b) ovog člana za rad na aplikaciji iz stava (2) ovog člana će izvršiti izborna komisija.

Član 27. (Rokovi)

(1) Izborna komisija je obavezna, u aplikaciji „Elektronska obrada biračkih odbora“, najkasnije 61 dan prije dana održavanja izbora ažurirati biračka mjesta za sve predsjednike i zamjenike predsjednika biračkih odbora.

(2) Izborna komisija je obavezna u aplikaciji „Elektronska obrada biračkih odbora“, najkasnije 45 dana prije dana održavanja izbora unijeti imena i prezimena svih članova biračkih odbora i njihovih zamjenika.

(3) Izborna komisija je obavezna u aplikaciji „Elektronska obrada biračkih odbora“, najkasnije 48 sati nakon zatvaranja biračkih mjesta ažurirati podatke o članovima biračkih odbora i njihovih zamjenika usljed odustanka istih.

POGLAVLJE III. ČLANOVI I ZAMJENICI ČLANOVA BIRAČKIH ODBORA

Odjeljak A. Opći i posebni uvjeti za imenovanje članova i zamjenika članova biračkih odbora

Član 28.

(Imenovanja članova i zamjenika članova biračkog odbora)

Članove biračkog odbora i njihove zamjenike imenuje izborna komisija osnovne izborne jedinice najkasnije 45 dana prije dana održavanja izbora.

Član 29.

(Opći i posebni uvjeti za imenovanje člana i zamjenika člana biračkog odbora)

(1) Pored općih uvjeta propisanih čl. 2.2. i 2.3 Izbornog zakona BiH, član, odnosno zamjenik člana biračkog odbora mora ispunjavati posebne uvjete:

- a) da ima prebivalište u općini za koju se imenuje birački odbor, u pravilu da je upisan u izvod iz Centralnog biračkog spiska za biračko mjesto za koje se imenuje;
- b) u Gradu Mostaru prebivalište se određuje prema gradskoj izbornoj jedinici;
- c) da ima najmanje završenu srednju školu, odnosno III, IV ili V stepen stručne spreme;
- d) da mu nije izrečena sankcija od Centralne izborne komisije BiH.

(2) Prilikom imenovanja člana biračkog odbora i njegovog zamjenika, izborna komisija osnovne izborne jedinice nastojat će osigurati da imenovanje bude u skladu s odredbom člana 2.19 stav (13) i člana 2.14 stav (1) Izbornog zakona BiH.

(3) Član biračkog odbora i njegov zamjenik dužni su učestvovati u obuci koju organizira izborna komisija osnovne izborne jedinice. Nakon provedene obuke izvršit će se provjera znanja i uspješnom članu biračkog odbora i njegovom zamjeniku dodijelit će certifikate. Certifikat predstavlja dokaz da je član biračkog odbora, odnosno njegov zamjenik prošao obaveznu edukaciju za date izbore.

(4) Izgled certifikata iz stava (3) ovog člana utvrđuje Centralna izborna komisija BiH i sastavni je dio ovog pravilnika.

(5) Izborna komisija osnovne izborne jedinice vodi evidenciju izdatih certifikata, a ista sadrži ime i prezime, te jedinstveni matični broj osobe kojoj je uručen certifikat i serijski broj certifikata.

Odjeljak B. Postupak imenovanja članova i zamjenika biračkih odbora

Član 30.

(Pravo na popunjavanje mjesta članova i zamjenika članova biračkih odbora - opći izbori)

(1) Za izborni ciklus Općih izbora, mjesto člana biračkog odbora i zamjenika člana biračkog odbora se popunjava na prijedlog političkog subjekta zastupljenog u Parlamentarnoj skupštini BiH, Parlamentu Federacije BiH i Narodnoj skupštini Republike Srpske, koji je dobio mandat u trenutku potvrđivanja rezultata Općih izbora u prethodnom izbornom ciklusu.

(2) Pravo predlaganja za dodjelu pozicija članova i zamjenika članova biračkih odbora za svaku osnovnu izbornu jedinicu ima:

- a) politički subjekt koji je osvojio mandat u Parlamentarnoj skupštini BiH, u prethodnom izbornom ciklusu, a ima ovjerenu kandidatsku listu za učešće na općim izborima u višečlanoj izornoj jedinici za Parlamentarnu skupštinu BiH u čijem sastavu je ta osnovna izborna jedinica;
- b) politički subjekt koji je osvojio mandat u Parlamentu FBiH (Predstavničkom domu FBiH ili Domu naroda FBiH), u prethodnom izbornom ciklusu, a ima ovjerenu kandidatsku listu za učešće na općim izborima u višečlanoj izornoj jedinici za Predstavnički dom FBiH u čijem sastavu je ta osnovna izborna jedinica;
- c) politički subjekt koji je osvojio mandat u Narodnoj skupštini RS, u prethodnom izbornom ciklusu, a ima ovjerenu kandidatsku listu za učešće na općim izborima u višečlanoj izornoj jedinici za Narodnu skupštinu RS u čijem sastavu je ta osnovna izborna jedinica;
- d) politička stranka koja je osvojila mandat u prethodnom izbornom ciklusu u okviru koalicije za tačke a), b) ili c) ovog stava, a ima samostalno ovjerenu kandidatsku listu za učešće na općim izborima kako je propisano u tačkama a), b) ili c) ovog stava, kao i nezavisni kandidat koji je osvojio mandat u prethodnom izbornom ciklusu u okviru liste nezavisnih kandidata za tačke a), b) ili c) ovog stava, a ovjeren je za učešće na općim izborima kako je propisano u tačkama a), b) ili c);
- e) koalicija koja ima ovjerenu kandidatsku listu za opće izbore, a u čijem sastavu je jedna ili više političkih stranaka, koje su osvojile mandat u prethodnom izbornom ciklusu kako je propisano u tačkama a), b), ili c) ovog stava, samostalno ili u okviru koalicije, odnosno lista nezavisnih kandidata koja ima ovjerenu kandidatsku listu za opće izbore, a u čijem sastavu je jedan ili više nezavisnih kandidata koji su osvojili mandat u prethodnom izbornom ciklusu kako je propisano u tačkama a), b), ili c) ovog stava, samostalno, ili u okviru liste nezavisnih kandidata.

(3) Pravo predlaganja za dodjelu pozicija članova i zamjenika članova biračkih odbora za opće izbore u Brčko distriktu BiH imaju:

- a) politička stranka, nezavisni kandidat, koalicija ili lista nezavisnih kandidata koja je:
 1. osvojila mandat u Parlamentarnoj skupštini BiH, a ima ovjerenu kandidatsku listu u izornoj jedinici 5 u FBiH ili izornoj jedinici 2 u RS, za nivo Parlamentarna skupština BiH,
 2. osvojila mandat u Parlamentu Federacije BiH (Predstavničkom domu FBiH ili Domu naroda FBiH), a ima ovjerenu kandidatsku listu u izornoj jedinici 2, za nivo Predstavnički dom FBiH,
 3. osvojila mandat u Narodnoj skupštini RS, a ima ovjerenu kandidatsku listu u izornoj jedinici 6, za Narodnu skupštinu RS;
- b) politička stranka koja je osvojila mandat na posljednjim provedenim općim izborima u okviru koalicije, a ima samostalno ovjerenu kandidatsku listu za učešće na općim izborima kako je propisano u tačkama 1), 2) ili 3) alineje a) ovog stava, kao i nezavisni kandidat koji je osvojio mandat na posljednjim provedenim općim izborima u okviru liste nezavisnih kandidata, a ovjeren je za učešće na općim izborima kako je propisano u tačkama 1), 2) ili 3) alineje a) ovog stava;

- c) koalicija koja ima ovjerenu kandidatsku listu za opće izbore, a u čijem sastavu je jedna ili više političkih stranaka, koja/e je/su osvojila/e mandat na posljednjim provedenim općim izborima kako je propisano u tačkama 1), 2) ili 3) alineje a) ovog stava, samostalno ili u okviru koalicije, odnosno lista nezavisnih kandidata koja ima ovjerenu kandidatsku listu za opće izbore, a u čijem sastavu je jedan ili više nezavisnih kandidata koji su osvojili mandat na posljednjim provedenim općim izborima kako je propisano u tačkama 1), 2) ili 3) alineje a) ovog stava, samostalno, ili u okviru liste nezavisnih kandidata.

(4) Politička stranka, nezavisni kandidat, koalicija ili lista nezavisnih kandidata koja je u jednoj osnovnoj izbornoj jedinici samostalno dobila pravo na predlaganje kandidata po više osnova, svoje pravo će ostvariti samo po jednom osnovu.

(5) Koalicija, koja u svom sastavu ima sve političke stranke koje imaju pravo da samostalno predlažu kandidate za članove biračkog odbora u toj osnovnoj izbornoj jedinici, nema pravo da predlaže kandidate za članove biračkog odbora u toj osnovnoj izbornoj jedinici.

Član 31.

(Pravo na popunjavanje mjesta članova i zamjenika članova biračkih odbora - lokalni izbori)

(1) Za izborni ciklus lokalnih izbora, mjesta člana biračkog odbora i zamjenika člana biračkog odbora za svaku od osnovnih izbornih jedinica popunjavaju se na prijedlog političkih subjekata zastupljenih u direktno izabranom organu jedinice lokalne samouprave iz relevantne osnovne izborne jedinice, a koji je dobio mandat u trenutku potvrđivanja rezultata Lokalnih izbora u prethodnom izbornom ciklusu.

(2) Pravo predlaganja za dodjelu pozicija članova i zamjenika članova biračkih odbora za svaku osnovnu izbornu jedinicu imaju:

- a) politički subjekt koji je osvojio mandat u prethodnom izbornom ciklusu, a ima ovjerenu kandidatsku listu za učešće na lokalnim izborima u toj osnovnoj izbornoj jedinici;
- b) politička stranka koja je osvojila mandat u prethodnom izbornom ciklusu u okviru koalicije, a ima samostalno ovjerenu kandidatsku listu za učešće na lokalnim izborima u toj osnovnoj izbornoj jedinici, kao i nezavisni kandidat koji je osvojio mandat u prethodnom izbornom ciklusu u okviru liste nezavisnih kandidata, a ovjeren je za učešće na lokalnim izborima u toj osnovnoj izbornoj jedinici;
- c) koalicija koja ima ovjerenu kandidatsku listu za lokalne izbore, a u čijem sastavu je jedna ili više političkih stranaka, koje su osvojile mandat u prethodnom izbornom ciklusu u toj osnovnoj izbornoj jedinici, samostalno ili u okviru koalicije, odnosno lista nezavisnih kandidata koja ima ovjerenu kandidatsku listu za lokalne izbore, a u čijem sastavu je jedan ili više nezavisnih kandidata koji su osvojili mandat u prethodnom izbornom ciklusu u toj osnovnoj izbornoj jedinici, samostalno, ili u okviru liste nezavisnih kandidata.

(3) Pravo predlaganja za dodjelu pozicija članova i zamjenika članova biračkih odbora za lokalne izbore za Gradsko vijeće Grada Mostara imaju politički subjekti iz stava (2) tačke a), b) i c) ovog člana, kojima je ovjerena kandidatska lista u gradskoj izbornoj jedinici Grada Mostara (199) ili u nekoj od izbornih jedinica gradskog područja Grada Mostara (151-156).

(4) Koalicija, koja u svom sastavu ima sve političke stranke koje imaju pravo da samostalno predlažu kandidate za članove biračkog odbora u toj osnovnoj izbornoj jedinici, nema pravo da predlaže kandidate za članove biračkog odbora u toj osnovnoj izbornoj jedinici.

Član 32.
(Žrijebanje - član 2.19 stav (7) Izbornog zakona BiH)

(1) Centralna izborna komisija BiH dostavlja svim izbornim komisijama osnovnih izbornih jedinica listu političkih subjekata koji, u skladu s odredbom člana 27. ili 28. ovog pravilnika, imaju pravo dostavljati prijedloge za članove biračkih odbora.

(2) U istom biračkom odboru na istom biračkom mjestu politički subjekt može imati samo jednog člana biračkog odbora i samo jednog zamjenika člana biračkog odbora.

(3) Izborna komisija osnovne izborne jedinice obavezna je pravovremeno uputiti poziv svim političkim subjektima iz stava (1) ovog člana da prisustvuju postupku žrijebanja političkih subjekata i dodjeli mjesta u biračkom odboru, koje će obaviti izborna komisija osnovne izborne jedinice u roku od 7 dana, od dana dobivanja liste iz stava (1) ovog člana, a najkasnije 60 dana prije dana održavanja izbora. Političkom subjektu koji nije prisustvovao postupku žrijebanja i dodjele mjesta u biračkom odboru izborna komisija osnovne izborne jedinice dužna je odmah dostaviti rezultate po okončanom postupku.

(4) Izborna komisija osnovne izborne jedinice je obavezna obezbijediti audio i videonadzor kojim će biti zabilježen cijeli postupak žrijebanja i dodjele pozicija u biračkim odborima.

(5) Izborna komisija osnovne izborne jedinice je obavezna da žrijeb političkih subjekata iz stava (1) ovog člana obavi na način da:

- a) ispiše na papiriće nazive političkih subjekata;
- b) papiriće iz tačke a) ovog stava stavi u neprozirne kutijice;
- c) kutijice iz tačke b) ovog stava stavi u veću providnu posudu;
- d) jedan član izborne komisije osnovne izborne jedinice će promiješati sve kutijice i izvlačiti iz posude jednu po jednu kutijicu, otvarati je i s papirića čitati naziv političkog subjekta;
- e) drugi član izborne komisije osnovne izborne jedinice će u kreiranu tabelu upisivati nazive političkih subjekata koje pročita član izborne komisije iz tačke d) ovog stava;
- f) član izborne komisije osnovne izborne jedinice radnju iz tačke e) ovog stava može raditi elektronski putem računara i videoprojektora ili ručno na odštampanoj tabeli nalijepljenoj na zidu kako bi bila vidljiva svima;
- g) postupak iz tačke d) i e) ovog stava se ponavlja dok se ne izvuku sve kutijice s nazivima političkih subjekata i dok se ne utvrdi redoslijed svih političkih subjekata.

(6) Nakon izvršenog postupka žrijebanja iz stava (5) ovog člana, izborna komisija osnovne izborne jedinice u aplikaciju za unos predsjednika i članova biračkih odbora, svim političkim subjektima upiše redni broj koji su dobili u postupku žrijebanja.

(7) Nakon izvršenih pripremnih radnji iz stava (6) ovog člana, aplikacija pristupa postupku dodjele pozicija političkim subjektima iz stava (5) tačka g) ovog člana, na način da:

- a) prvi politički subjekt iz tabele dodijeli prvom biračkom mjestu na prvo mjesto u tabeli iz stava (6) ovog člana;
- b) drugi politički subjekt dodijeli na drugo mjesto istog tog biračkog mjesta;
- c) ovom procedurom dodjeljuju političke subjekte prvom biračkom mjestu dok ne popune sve pozicije u tom biračkom mjestu;
- d) kada se popune mjesta u prvom biračkom mjestu dodjeljuju se politički subjekti narednom biračkom mjestu;
- e) postupak dodjele iz od tačke a) do tačke d) se provodi dok se ne iscrpe svi politički subjekti

iz tabele;

- f) ukoliko je ostalo još pozicija u biračkim odborima, izborna komisija osnovne izborne jedinice ponovo počinje dodjelu od prvog političkog subjekta iz tabele i nastavlja ponovo dodjeljivati političke subjekte iz tabele;
- g) procedura u tačkama e) i f) se ponavlja sve dok se ne popune sva mjesta u biračkim odborima.

(8) Dodjelu pozicija iz stava (7) ovog člana, aplikacija vrši u Tabelu – Pregled konačne dodjele mjesta u biračkim odborima. Izgled tabele je sastavni dio ovog stava.

BM	Broj članova BO	Dodjela mjesta u biračkom odboru			

Izgled Tabele. – Pregled dodjele mjesta u biračkim odborima

Aplikacija će u koloni „Broj članova BO“ upisati broj članova: 2 ili 4, u zavisnosti od broja birača na biračkom mjestu na dan određivanja biračkih mjesta u skladu s članom 5.1 stav (2) Izbornog zakona BiH.

(9) Ukoliko aplikacija ne izvrši radnje iz stava (7) i (8) ovog člana, sve radnje iz navedenih stavova će izvršiti izborna komisija osnovne izborne jedinice.

(10) Nakon što aplikacija završi postupak dodjele mjesta u biračkim odborima, ili te poslove izvrši izborna komisija osnovne izborne jedinice, svim prisutnim predstavnicima političkih subjekata osigurava uzorak popunjene Tabele – Pregled konačne dodjele mjesta u biračkim odborima iz stava (8) ovog člana, kao i izvještaj koliko su politički subjekti sa liste ovjerenih političkih subjekata za osnovnu izbornu jedinicu pojedinačno dobili mjesta u biračkim odborima. Navedeni izvještaj, kao prilog Pregledu konačne dodjele mjesta u biračkim odborima, izborna komisija osnovne izborne jedinice dostavlja putem e-maila ili faxa i političkim subjektima čiji predstavnici nisu prisustvovali postupku javne dodjele mjesta u biračkim odborima. Izvještaj političkim subjektima čiji predstavnici nisu prisustvovali postupku dodjele mjesta u biračkim odborima se dostavlja centrali političkog subjekta.

Član 33.

(Dostava prijedloga)

(1) Prijedlog za članove biračkih odbora politički subjekti podnose u skladu s odredbom člana 2.19 stav (11) Izbornog zakona BiH i odredbama ovog pravilnika, vodeći računa da predloženi kandidati budu upisani u izvod iz Centralnog biračkog spiska za to biračko mjesto i da su fizički sposobni za obavljanje poslova u biračkom odboru.

(2) Politički subjekti obavezni su, prilikom dostavljanja prijedloga za članove biračkih odbora, izornoj komisiji dostaviti obrasce SG-1 – izjava predloženog člana biračkog odbora/mobilnog tima, svojeručno potpisane od predloženih kandidata za članove biračkih odbora i ovjerene pečatom i potpisom ovlaštene osobe političkog subjekta. *Obrazac SG-1 je sastavni dio ovog Uputstva.*

(3) Ovlaštena osoba iz stava (2) ovog člana je osoba koju je ovlastio politički subjekt za zastupanje kod Centralne izborne komisije BiH i ta osoba može ovlastiti jednu ili više osoba u svakoj

osnovnoj izbornoj jedinici, u kojoj imaju pravo dostavljati prijedloge za članove biračkih odbora, za potpisivanje SG-1 obrasca. Ovlaštenje politički subjekt je obavezan dostaviti izbornoj komisiji najkasnije s danom predaje prijedloga za članove biračkog odbora.

(4) Obrazac SG-1 iz stava (2) ovog člana, politički subjekt može ovjeriti i pečatom općinskog odbora. Koalicija i nezavisni kandidat ne ovjeravaju obrasce SG-1 pečatom.

(5) Politički subjekt će, ako to izborna komisija osnovne izborne jedinice zatraži, dostaviti dokaze o kvalifikaciji i ispunjavanju uvjeta predloženih kandidata za članove biračkih odbora, odnosno mobilnih timova.

(6) Ako politički subjekt ne dostavi imena kandidata za članove biračkog odbora u roku propisanom u članu 2.19 stav (11) Izbornog zakona BiH, to će se smatrati odustajanjem od dodijeljenog mjesta u biračkom odboru, ili ako je broj kandidata za članove biračkog odbora predloženih od ovjerene političke stranke manji od broja članova biračkog odbora, izborna komisija osnovne izborne jedinice samostalno će imenovati članove biračkog odbora.

(7) Prilikom imenovanja biračkih odbora izborna komisija osnovne izborne jedinice će voditi računa o multietničkom sastavu biračkog odbora gdje je to moguće, kao i zastupljenosti spolova.

(8) Ako politički subjekt ne dostavi obrazac iz stava (2) ovog člana, odnosno podatke iz stava (5) ovog člana, izborna komisija osnovne izborne jedinice takav prijedlog za imenovanje člana biračkog odbora/mobilnog tima neće razmatrati.

Član 34. **(Imenovanje članova biračkog odbora)**

(1) Nakon završenog perioda za dostavljanje prijedloga političkih subjekata, izborna komisija osnovne izborne jedinice pristupa provjeri svih predloženih kandidata, i to da li su naveli da imaju najmanje srednju stručnu spremu, i da li su upisani u Centralni birački spisak za tu osnovnu izbornu jedinicu. Izborna komisija osnovne izborne jedinice poslije izvršene provjere kandidata iste imenuje za članove biračkog odbora u biračke odbore na biračkim mjestima gdje je politički subjekt osvojio pozicije u dodjeli pozicija.

(2) Izborna komisija osnovne izborne jedinice će u birački odbor imenovati članove biračkog odbora iz reda predloženih kandidata od strane političkog subjekta na način da će na prvo biračko mjesto koje je dobio politički subjekt imenovati člana i njegovog zamjenika s liste tog političkog subjekta. Ovim postupkom će izborna komisija osnovne izborne jedinice imenovati sve članove i sve zamjenike članova tog političkog subjekta.

(3) Kada izborna komisija osnovne izborne jedinice imenuje sve predložene kandidate političkog subjekta, a ostane još biračkih mjesta na koja se trebaju imenovati kandidati tog političkog subjekta, jer je taj politički subjekt osvojio te pozicije u postupku dodjele pozicija, izborna komisija osnovne izborne jedinice će na upražnjena mjesta imenovati članove biračkog odbora i njihove zamjenike s rezervne liste.

(4) Ukoliko je politički subjekt dostavio neparan broj kandidata za članove biračkog odbora, na zadnjem biračkom mjestu koji je politički subjekt dobio, član biračkog odbora će biti prijedlog političkog subjekta, dok će zamjenika člana biračkog odbora imenovati izborna komisija osnovne izborne jedinice. Prilikom imenovanja članova i zamjenika članova biračkih odbora izborna komisija osnovne izborne jedinice vodit će računa o izrečenim sankcijama zabrane angažovanja za rad na biračkom mjestu.

(5) Primjeri postupka imenovanja propisanog u stavu (2), (3) i (4) ovog člana:

- a) izborna komisija osnovne izborne jedinice iz prijedloga političkih subjekata na prvo biračko mjesto imenuje člana i njegovog zamjenika i tom metodom imenuje članove i njihove zamjenike na drugom biračkom mjestu i tako redom na sva biračka mjesta:

BM	PS 1	PS 2	PS 3	PS 4
001A001	ČLAN	ČLAN	ČLAN	ČLAN
	ZAMJENIK ČLANA	ZAMJENIK ČLANA	ZAMJENIK ČLANA	ZAMJENIK ČLANA

- b) ukoliko politički subjekt ne dostavi dovoljan broj kandidata, izborna komisija osnovne izborne jedinice će imenovati članove i njihove zamjenike s rezervnog spiska na biračka mjesta koja su preostala nakon što su imenovani svi kandidati tog političkog subjekta na način objašnjen u tački a) ovog stava:

BM	PS 1	PS 2	PS 3	PS 4
001A044	ČLAN	ČLAN	ČLAN	OIK
	ZAMJENIK ČLANA	ZAMJENIK ČLANA	ZAMJENIK ČLANA	OIK

- c) ukoliko politički subjekt dostavi neparan broj kandidata, zadnji kandidat iz prijedloga političkog subjekta će biti imenovan kao član, a zamjenika člana biračkog odbora će imenovati izborna komisija osnovne izborne jedinice sa rezervnog spiska:

BM	PS 1	PS 2	PS 3	PS 4
001A001	ČLAN	ČLAN	ČLAN	ČLAN
	ZAMJENIK ČLANA	ZAMJENIK ČLANA	ZAMJENIK ČLANA	OIK

(6) Prilikom imenovanja članova biračkih odbora iz stava (1) ovog člana, izborna komisija osnovne izborne jedinice će prednost dati kandidatima koji posjeduju viši stepen stručne spremlje i iskustvo u administrativnim poslovima.

(7) Izborna komisija osnovne izborne jedinice obavezna je akt o imenovanju članova biračkih odbora objaviti na oglasnoj ploči ili na drugi pogodan način radi uvida javnosti. Pored navedenog, izborna komisija osnovne izborne jedinice je dužna na vidnom dijelu biračkog mjesta izložiti izvod iz akta o imenovanju članova biračkih odbora za to biračko mjesto. Pored izvoda iz akta o imenovanju članova biračkih odbora, izborna komisija osnovne izborne jedinice će izložiti i izvod o imenovanju predsjednika biračkog odbora i njegovog zamjenika.

(8) Izborna komisija osnovne izborne jedinice obavezna je političkim subjektima dostaviti akt o imenovanju članova biračkih odbora. Ovaj akt treba sadržavati: ime i prezime članova biračkih odbora i njihovih zamjenika, spol, naziv političkog subjekta na čiji prijedlog su imenovani, broj i lokaciju biračkog mjesta, obrazloženje na koji način je izvršeno imenovanje i pouku o pravnom lijeku. Akt o imenovanju članova biračkih odbora izborna komisija osnovne izborne jedinice, na zahtjev, dostavlja i Centralnoj izbornoj komisiji BiH.

(9) Izborna komisija osnovne izborne jedinice, pored imenovanja članova biračkih odbora, obavezna je sačiniti i rezervnu listu određenog broja kvalifikovanih osoba, po kojoj će te osobe moći imenovati za članove/zamjenike članova biračkih odbora na biračkim mjestima ili u timove za otvaranje vreća i brojanje glasačkih listića u cilju pravilnog objedinjavanja izbornih rezultata u slučaju da članovi ili zamjenici koji su već imenovani odustanu od učešća u radu biračkog odbora. Obrazac SG-3-izjava predložene osobe s rezervnog spiska za člana biračkog odbora/mobilnog tima/tima za otvaranje vreća i brojanje glasačkih listića u cilju pravilnog objedinjavanja izbornih rezultata je sastavni dio ovog pravilnika.

(6) Nakon što od Centralne izborne komisije BiH dobije rješenja o imenovanju predsjednika biračkih odbora i njihovih zamjenika, kao i njihove kontakt-podatke, izborna komisija osnovne

izborne jedinice će za predsjednike pripremiti kontakt-podatke za sve članove biračkog odbora za svako biračko mjesto.

(7) Izborna komisija osnovne izborne jedinice će svim članovima biračkog odbora i njihovim zamjenicima koji su uspješno položili test nakon provedene obuke, uručiti certifikat o završenoj obuci.

Član 35.

(Popunjavanje člana i zamjenika člana biračkog odbora sa rezervne liste - član 2.19 stav (12) Izbornog zakona BiH)

(1) Ako politički subjekt ne dostavi imena kandidata za članove/zamjenike članova biračkog odbora u roku iz člana 29. ovog pravilnika, ili ako je dostavio broj kandidata za mjesta članova/zamjenika članova biračkog odbora manji od potrebnog broja članova/ zamjenika članova biračkog odbora, to će se smatrati odustajanjem od dodijeljenog mjesta u biračkom odboru.

(2) U slučaju iz stava (1) ovog člana, izborna komisija osnovne izborne jedinice imenovat će nedostajuće članove biračkog odbora i njihove zamjenike s rezervne liste edukovanih kandidata za članstvo u biračkom odboru, vodeći računa da popuna bude u skladu s članom 2.19 stav (13) i članom 2.14 stav (1) Izbornog zakona BiH.

Član 36.

(Rezervna lista - član 2.19 stav (12) Izbornog zakona BiH)

(1) Izborna komisija osnovne izborne jedinice je obavezna, najkasnije deset dana nakon što Centralna izborna komisija BiH raspiše izbore, objaviti javni oglas radi izrade rezervne liste iz člana 31. stav (9) ovog pravilnika. Tekst javnog oglasa je sastavni dio ovog pravilnika.

(2) Kandidati koji s prijavljuju na javni oglas iz stava (1) ovog člana svoju prijavu dostavljaju izornoj komisiji osnovne izborne jedinice putem obrasca SG-3. Nakon isteka roka za prijavu kandidata po objavljivanju javnog oglasa, izborna komisija osnovne izborne jedinice na osnovu dostavljene dokumentacije po javnom oglasu provjerava da li kandidati ispunjavaju opće i posebne uvjete iz javnog oglasa, te ukoliko kandidati ispunjavaju propisane uvjete, iste će se imenovati na rezervnu listu.

(3) Izborna komisija osnovne izborne jedinice će rezervnu listu iz stava (2) staviti javnosti na uvid na pogodan način, na oglasnoj ploči općine/grada, putem interneta ili na neki drugi način, kako bi javnost bila upoznata sa sastavom rezervne liste.

(4) Ukoliko se na objavljeni javni oglas iz stava (1) ovog člana ne prijavi dovoljan broj kvalifikovanih kandidata, izborna komisija osnovne izborne jedinice će se shodno članu 1.11 Izbornog zakona BiH obratiti organima vlasti na svim nivoima kako bi se osigurala popuna rezervne liste. U tom slučaju rezervnu listu prevashodno će činiti učenici završnih razreda srednjih škola, studenti visokoškolskih ustanova, nezaposlene osobe koje se vode na evidencijama zavoda za zapošljavanje, zaposleni u javnoj administraciji.

(5) Ukoliko član biračkog odbora, odnosno njegov zamjenik iz opravdanih razloga odustane od rada u biračkom odboru, na njegovo mjesto izborna komisija osnovne izborne jedinice imenuje zamjenika člana biračkog odbora, a na poziciju zamjenika člana biračkog odbora imenuje kandidata s rezervne liste.

(6) Kandidati s rezervne liste iz stava (4) ovog člana imaju pravo na naknadu za svoj angažman.

Član 37.

**(Zabrana zloupotrebe prava na učešće u biračkom odboru - član 2.19 stav (14) i stav (16)
Izbornog zakona BiH)**

- (1) Zabranjena je zloupotreba zakonskog prava na učešće u radu biračkog odbora fiktivnim predstavljanjem, kako je propisano članom 7.3 stav (2) Izbornog zakona Bosne i Hercegovine.
- (2) U sastavu jednog biračkog odbora, jedan politički subjekt može biti zastupljen samo s jednim članom i jednim njegovim zamjenikom.

Član 38.

(Odluka o imenovanju i pravo na pravni lijek - član 2.19 stav (6) Izbornog zakona BiH)

- (1) Na odluku izborne komisije osnovne izborne jedinice o imenovanju članova biračkih odbora i zamjenika člana biračkog odbora može se uložiti prigovor nadležnoj izbornoj komisiji.
- (2) Na odluku izborne komisije osnovne izborne jedinice kojom je odlučeno o prigovoru može se uložiti žalba Centralnoj izbornoj komisiji BiH.
- (3) Odluka Centralne izborne komisije BiH, kojom je odlučeno o žalbi iz stava (2) ovog člana je pravosnažna i protiv nje se ne može uložiti žalba.

Odjeljak C. Postupak imenovanja operatera i određivanja članova biračkih odbora za upravljanje aparatom za autentifikaciju i elektronsko brojanje glasova putem skenera, te obuka operatera i članova biračkih odbora.

Član 39.

(Imenovanje operatera)

- (1) Operater je osoba koja posjeduje napredno znanje o upotrebi aparata za autentifikaciju i aparata za elektronsko brojanje glasačkih listića putem skenera.
- (2) Operatere u osnovnim izbornim jedinicama će imenovati izborna komisija osnovne izborne jedinice na osnovu javnog poziva koji treba biti objavljen najkasnije 30 dana od dana raspisivanja izbora. Broj operatera, kao i kriterije za imenovanje operatera će utvrditi Centralna izborna komisija BiH na osnovu broja biračkih mjesta i koncentracije biračkih mjesta po regijama.
- (3) Centralna izborna komisija BiH će imenovati 10 operatera, na period od 5 godina.

Član 40.

(Određivanja članova biračkih odbora za upravljanje aparatom za autentifikaciju i elektronsko brojanje glasova putem skenera)

- (1) U postupku obuke članova biračkih odbora i njihovih zamjenika, od strane izborne komisije osnovne izborne jedinice, kojoj su obavezni prisustvovati i predsjednici biračkih odbora zajedno s članovima iz svog biračkog odbora, predsjednik će na osnovu psihofizičkih sposobnosti i zalaganja na obuci odrediti člana biračkog odbora koji će upravljati aparatom za autentifikaciju i člana biračkog odbora koji će upravljati specifičnom izbornom tehnologijom za automatsko brojanje glasova.
- (2) Predsjednik će odrediti članove biračkog odbora iz stava (1) ovog člana, od svih članova biračkog odbora i njihovih zamjenika. Članovi koje odredi predsjednik trebaju potpisati izjavu kojom pristaju da na dan izbora upravljaju aparatima iz stava (1) ovog člana.

(3) Obuku iz stava (1) ovog člana, izborna komisija osnovne izborne jedinice treba završiti najkasnije do 20 dana prije dana održavanja izbora.

Član 41. (Obuka)

(1) Operateri iz člana 36. stav (3) ovog pravilnika će izvršiti obuku operatera iz člana 35. stav (2) ovog pravilnika, najkasnije 50 dana prije dana održavanja izbora.

(2) Operateri iz člana 36. stav (2) ovog pravilnika će izvršiti obuku članova biračkih odbora iz člana 37. stav (1) ovog pravilnika, od 20-og dana do 5-og dana prije dana održavanja izbora.

POGLAVLJE IV. IMENOVANJE BIRAČKIH ODBORA U DIPLOMATSKO-KONZULARNIM PREDSTAVNIŠTVIMA BiH

Član 42.

(Broj članova biračkog odbora u diplomatsko-konzularnom predstavništvu - član 1.5 stav (3) Izbornog zakona BiH)

(1) Birački odbor u diplomatsko-konzularnom predstavništvu BiH sastoji se od predsjednika i njegovog zamjenika, i dva člana i njihovih zamjenika, ako je u izvodu iz Centralnog biračkog spiska za birače koji glasaju izvan BiH, za glasanje u diplomatsko-konzularnom predstavništvu BiH koji je određen za glasanje, upisano do 300 birača.

(2) Birački odbor sastoji se od predsjednika i njegovog zamjenika, i četiri člana i njihovih zamjenika, ako je u izvodu iz Centralnog biračkog spiska za birače koji glasaju izvan BiH, za glasanje u diplomatsko-konzularnom predstavništvu BiH koje je određeno za glasanje, upisano više od 300 birača.

Član 43.

(Opći i posebni uvjeti za imenovanje biračkog odbora u diplomatsko-konzularnom predstavništvu)

(1) Pored općih uvjeta propisanih članom 2.2. stav (1) Izbornog zakona BiH, član biračkog odbora u diplomatsko-konzularnim predstavništvima BiH mora ispunjavati posebne uvjete:

- a) da je upisan u izvod iz Centralnog biračkog spiska za birače koji glasaju izvan BiH u diplomatsko-konzularnim predstavništvima BiH ili poštom;
- b) da ima najmanje završenu srednju školu, a izuzetno da ima nižu stručnu spremu od propisane, u cilju ispunjenja uvjeta iz člana 1.5 stav (5) Izbornog zakona BiH.

(2) Prilikom imenovanja člana biračkog odbora i njegovog zamjenika, osigurat će se da sastav biračkog odbora bude u skladu s odredbom člana 1.5 stav (5) Izbornog zakona BiH.

(3) Član biračkog odbora u diplomatsko-konzularnim predstavništvima BiH dužan je učestvovati u obuci koju organizira Centralna izborna komisija BiH. Nakon provedene obuke izvršit će se provjera znanja i uspješnom članu biračkog odbora u diplomatsko-konzularnim predstavništvima BiH dodijelit će certifikate. Certifikat predstavlja dokaz da je član biračkog odbora u diplomatsko-konzularnim predstavništvima BiH prošao obaveznu edukaciju za date izbore.

(4) Izgled certifikata iz stava (3) ovog člana utvrđuje Centralna izborna komisija BiH i sastavni je dio ovog pravilnika.

Član 44.
(Prijedlozi i imenovanje)

(1) Centralna izborna komisija BiH najkasnije u roku od 50 dana prije dana održavanja izbora upućuje zahtjev Ministarstvu vanjskih poslova Bosne i Hercegovine (u daljnjem tekstu: Ministarstvo vanjskih poslova BiH) da dostavi prijedlog članova biračkih odbora u diplomatsko-konzularnim predstavništvima BiH koji su određeni za biračko mjesto za glasanje državljana Bosne i Hercegovine koji su se prijavili da glasaju lično u diplomatsko-konzularnim predstavništvima BiH.

(2) Centralna izborna komisija BiH, uz zahtjev iz stava (1) ovog člana, dostavlja Ministarstvu vanjskih poslova BiH i odluku o diplomatsko-konzularnim predstavništvima BiH koja su određena za glasanje.

(3) Ministarstvo vanjskih poslova BiH najkasnije u roku od 10 dana od dana prijema zahtjeva iz stava (1) ovog člana dostavlja Centralnoj izbornoj komisiji BiH prijedlog za članove biračkih odbora i njihove zamjenike u diplomatsko-konzularnim predstavništvima BiH, na obrascu SG-2 – izjava predloženog člana biračkog odbora u diplomatsko-konzularnom predstavništvu BiH, vodeći računa da predloženi kandidati ispunjavaju uvjete propisane članom 8. ovog pravilnika. Obrazac SG-2 – izjava predloženog člana biračkog odbora u diplomatsko-konzularnom predstavništvu BiH je sastavni dio ovog pravilnika.

(4) Centralna izborna komisija BiH imenuje članove biračkih odbora i njihove zamjenike po dostavljenom prijedlogu, najkasnije u roku od 30 dana prije dana održavanja izbora.

(5) Ukoliko Ministarstvo vanjskih poslova BiH ne dostavi prijedloge za imenovanje biračkih odbora u određenim diplomatsko-konzularnim predstavništvima BiH, Centralna izborna komisija BiH će izvršiti imenovanje biračkih odbora u skladu sa svojim ovlaštenjima.

POGLAVLJE V. IMENOVANJE MOBILNIH TIMOVA

Član 45.
(Broj članova mobilnog tima)

(1) Mobilni tim sastoji se od predsjednika i njegovog zamjenika, i dva člana i njihovih zamjenika.

(2) Broj mobilnih timova utvrđuje izborna komisija osnovne izborne jedinice rukovodeći se ukupnim brojem birača koji su se prijavili za glasanje putem mobilnog tima vodeći računa o ukupnom broju tih birača i prostornom raspoređenošću birača i ustanova u kojima će ti birači glasati posredstvom mobilnog tima.

Član 46.
(Opći i posebni uvjeti za imenovanje članova mobilnog tima)

(1) Pored općih uvjeta propisanih članom 2.2. stav (1) Izbornog zakona BiH, član mobilnog tima mora ispunjavati posebne uvjete:

- a) da ima prebivalište u općini za koju se imenuje mobilni tim i
- b) da ima najmanje završenu srednju školu, odnosno III, IV ili V stepen stručne spreme.

(2) Prilikom imenovanja članova mobilnih timova i njihovih zamjenika, izborna komisija osnovne izborne jedinice nastojat će osigurati da imenovanje bude u skladu sa odredbom člana 2.14 stav (1) i člana 2.19 stav (13) Izbornog zakona BiH.

Član 47.
(Prijedlozi, dodjela mjesta i imenovanje)

(1) Na postupak dodjele mjesta i imenovanja mobilnog tima, obuke i provjere znanja primjenjuju se odredbe Poglavlja III ovog pravilnika, osim ako ovim poglavljem nije drugačije određeno.

(2) Popunjavanje mjesta u mobilnom timu nastavlja se od političkog subjekta kojem je posljednjem dodijeljeno mjesto u biračkom odboru.

(3) Nakon okončanog postupka utvrđivanja mjesta u mobilnim timovima, izborna komisija osnovne izborne jedinice će političkom subjektu koji su dobili mjesto u mobilnom timu, najkasnije u roku od 15 dana prije održavanja izbora, uputiti zahtjev za dostavljanje prijedloga za članove mobilnih timova i njihove zamjenike.

(4) Politički subjekt iz stava (3) ovog člana dužan je izornoj komisiji osnovne izborne jedinice dostaviti svoje prijedloge za članove mobilnog tima i njihove zamjenike najkasnije u roku od tri dana od dana prijema zahtjeva.

(5) Politički subjekt podnosi prijedlog za članove mobilnih timova u skladu s odredbama Izbornog zakona BiH i ovog pravilnika, vodeći računa da predloženi kandidati budu fizički sposobni za obavljanje poslova u mobilnom timu.

(6) Izborne komisije osnovne izborne jedinice imenuju članove mobilnih timova najkasnije u roku od 10 dana prije dana održavanja izbora.

**POGLAVLJE VI. AŽURIRANJE LISTE KANDIDATA ZA
PREDSJEDNIKE/ZAMJENIKE PREDSJEDNIKA BIRAČKOG ODBORA**

Član 48.
(Vrijeme ažuriranja liste)

(1) Centralna izborna komisija BiH će nakon završene procedure javnog poziva i objave liste kandidata za predsjednike/zamjenike predsjednika, te dobivenih informacija od izbornih komisija osnovnih izbornih jedinica vezanih za kandidate, ažurirati listu kandidata.

(2) Centralna izborna komisija BiH će ažuriranje liste kandidata iz stava (1) ovog člana vršiti dva puta u neizbornoj godini.

Član 49.
(Ažuriranje liste)

(1) Lista kandidata iz člana 45. stav (1) ovog pravilnika će biti ažurirana u dijelu:

- a) ličnih podataka kandidata, dobivenom informacijom od izborne komisije i provjerom podataka kandidata u Centralnom biračkom spisku;
- b) statusnih podataka kandidata, promjena školske spreme;
- c) kontaktnih podataka kandidata;
- d) podataka o odustajanju kandidata od statusa kandidata za predsjednike/zamjenike predsjednika biračkih odbora.

(2) Kandidat za kojeg se prilikom ažuriranja podataka iz stava (1) tačka a) ovog člana utvrdi da je promijenio prebivalište u drugu osnovnu izbornu jedinicu stiče status kandidata u osnovnoj izornoj jedinici u kojoj je prijavio prebivalište.

(3) Kandidatu za kojeg se prilikom ažuriranja podataka iz stava (1) tačka d) ovog člana utvrdi da

je neopravdano odustao od kandidature na poziciju predsjednika/zamjenika predsjednika biračkog odbora, ili je neopravdano odustao od rada na biračkom mjestu nakon što je imenovan na poziciju predsjednika/zamjenika predsjednika biračkog odbora, bit će oduzeti bodovi iz člana 13. stav (2) Tabele 2.

POGLAVLJE VII. ZAVRŠNE ODREDBE

Član 50. (Obrasci)

Sastavni dio ovog pravilnika su:

- a) Izjava o ispunjenosti uvjeta,
- b) Prijavni obrazac,
- c) Obrazac SG-1 i Obrazac SG-2 i Obrazac SG-3.
- d) Izgled i sadržaj certifikata,
- e) Tekst javnog oglasa,
- f) Izjava o odustanku od rada nakon imenovanja,
- g) Imenovanje zamjenika predsjednika biračkog odbora (IZPBO),
- h) Evidencija zamjene na biračkom mjestu (EZBM).

Član 51. (Upotreba izraza u muškom i ženskom rodu)

Riječi koje su radi preglednosti u ovom pravilniku navedene u jednom rodu bez diskriminacije se odnose i na muški i na ženski rod.

Član 52. (Prestanak primjene)

Danom stupanja na snagu ovog pravilnika prestaje s važenjem Pravilnik o postupku imenovanja i razrješenja biračkih odbora za Lokalne izbore 2024. godine ("Službeni glasnik BiH", broj 31/24) i Uputstvo o žrijebanju političkih subjekata za mjesta u biračkom odboru za Lokalne izbore 2024. godine ("Službeni glasnik BiH", broj 31/24).

Član 53. (Stupanje na snagu i objava)

Ovaj pravilnik stupa na snagu danom donošenja, a objavit će se u "Službenom glasniku BiH", "Službenim novinama FBiH", "Službenom glasniku RS", "Službenom glasniku Brčko distrikta BiH" i na internet-stranici Centralne izborne komisije BiH www.izbori.ba.

Broj: 05-1-02-2-100-1/26
Sarajevo, 13. 1. 2026. godine



Predsjednik
[Signature]
Ivan Kalaba